

A.N.O.

## UGOVOR O JAVNOJ NABAVCI USLUGA

Zaključen dana 12.03.2018. godine u Sarajevu između:

**KJP „Sarajevo-šume“ d.o.o. Sarajevo, ul. Maršala Tita 7/II** (u daljem tekstu: **Naručilac usluga**), koga zastupa Direktor Preduzeća **mr.sci. Nermin Demirović, dipl.ing.šum.**

i **Društvo za proizvodnju i usluge „AME“ d.o.o. Breza**, sa sjedištem u Brezi, ul. Branilaca grada bb, registrovano kod Općinskog suda u Zenici, Aktuelni izvod iz sudskog registra: 043-0-RegZ-17-003118 od 22.11.2017. godine; identifikacioni broj: 4218105170009; PDV broj: 218105170009 (u daljem tekstu: **Izvršilac usluga**) koga zastupa **Omerhodžić Almedin, direktor.**

(u daljem tekstu : **Ugovorne strane**)

### Član 1.

Predmet ovog Ugovora je javna nabavka usluga za potrebe Naručioca usluga u 2018.godini, i to:

#### **Lot 2. Usluge transporta nasipnog materijala**

prema Obrascu za cijenu ponude, koji je sastavni dio ponude Izvršioca usluga protoklisane kod Naručioca usluga pod brojem: 0103-3335-9/17 od 25.01.2018.godine, a koji su prilog ovog Ugovora i njegov sastavni dio.

Ukupna vrijednost javne nabavke usluga iz prethodnog stava iznosi **16.750,00 KM**, bez uključenog iznosa pripadajućih indirektnih poreza, odnosno PDV-a, koji plaća Naručilac usluga.

### Član 2.

Ovaj Ugovor se zaključuje na osnovu Zapisnika sa otvaranja ponuda za javnu nabavku usluga broj: 0103-3335/17 za Lot 2. Usluge transporta nasipnog materijala, broj: 0103-3335-22/17 od 25.01.2018.godine, Zapisnika o pregledu i ocjeni ponuda, broj: 00103-3335-27/17 od 06.02.2018.godine, Odluke Nadzornog odbora Naručioca usluga, broj: 0102-3335-6/17 od 26.12.2017.godine i pravosnažne Odluke o izboru najpovoljnijeg ponuđača, broj: 0103-3335-31/17 od 12.02.2018.godine.

### Član 3.

Izvršilac usluga se obavezuje da će Naručiću usluga za vrijeme trajanja Ugovora sukcesivno vršiti usluge navedene u članu 1. ovog Ugovora u roku od 7 (sedam) dana od dana prijema narudžbenice, a u svemu prema ponudi Izvršioca usluga protokolisanom kod Naručioca usluga pod brojem: 0103-3335-9/17 od 25.01.2018.godine.

U slučaju kašnjenja u isporuci usluga, do kojeg je došlo krivicom Izvršioca usluga, isti će platiti ugovornu kaznu u skladu sa Zakonom o obligacionim odnosima u iznosu od 1 % Naručiću usluga (vrijednosti ugovorenih usluga) za svaki dan kašnjenja do urednog ispunjenja, s tim da uskupan iznos ugovorne kazne ne može prijeći 10% od ukupne ugovorene vrijednosti usluga koje su predmet narudžbe. Izvršilac usluga je dužan platiti ugovornu kaznu u roku od 7 dana od dana primanja zahtjeva za plaćanje od strane Naručioca usluga.

### Član 4.

Naručilac usluga se obavezuje da Izvršiocu usluga za izvršene usluge navedene u članu 1. ovog Ugovora, a u skladu sa ispostavljenom narudžbenicom plati novčanu naknadu sa uračunatim PDV-om u skladu sa jediničnim cijenama usluga datim u specifikaciji usluga, a koje su dostavljene u ponudi Izvršioca usluga.

Ugovorne strane su saglasne da su jedinične cijene i ukupna vrijednost ponude utvrđene u članu 1. ovog Ugovora bez uračunatih indirektnih pripadajućih poreza, odnosno PDV-a i da su iste nepromjenljive u skladu sa Izjavom dostavljenom u ponudi Izvršioca usluga.

### Član 5.

Naručilac usluga se obavezuje da Izvršiocu usluga za izvršene usluge navedene u članu 1. ovog Ugovora plati novčanu naknadu u skladu sa jediničnim cijenama usluga koje su dostavljene u ponudi Izvršioca usluga u roku od 60 (šezdeset) dana od dana urednog izvršenja usluge i zaprimanja računa za izvršene usluge.

Uplatu po ispostavljenoj fakturi Naručilac usluga će izvršiti na transakcijski račun Izvršioca usluga, broj: 160200000813368 otvoren kod Vakufske banke.

#### Član 6.

Izvršilac usluga se obavezuje da će u roku od 15 (petnaest) dana od dana zaključenja ovog Ugovora obezbijediti безусловnu bankarsku garanciju poslovne banke za dobro izvršenje posla u visini od 10% od ugovorene vrijednosti javne nabavke bez uračunatog PDV-a koja će poslužiti za pokrivanje svake štete i troškova koje Naručilac usluga može imati ukoliko Izvršilac usluga prekrši ugovor o nabavci od potpisivanja do njegovog ispunjenja u cijelosti.

Pokriće iz bankarske garancije ne oslobađa Izvršioca usluga odgovornosti od namirenja eventualne potpune štete po odredbama Zakona o obligacionim odnosima ukoliko je visina eventualne štete veća od iznosa koji se može dobiti po osnovu garancije. Garancija treba da bude validna na period trajanja ugovora plus 30 dana.

#### Član 7.

Za realizaciju ovog Ugovora u ime Naručioca usluga zadužuje se Izvršni direktor Oblasti za šumarstvo.

#### Član 8.

Za praćenje realizacije ovog Ugovora u ime Naručioca usluga zadužuje se Služba za marketing i komercijalne poslove.

#### Član 9.

Izvršilac usluga u svrhu izvršenja ovog Ugovora nema pravo zapošljavati fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica kojeg je angažovala Stalna Komisija za javne nabavke Naručioca usluga, najmanje 6 (šest) mjeseci po zaključenju Ugovora, odnosno od početka realizacije Ugovora.

#### Član 10.

Na sve što nije regulisano ovim Ugovorom primjenjuju se odredbe Zakona o obligacionim odnosima F BiH.

#### Član 11.

Sve eventualne sporove po ovom Ugovoru ugovorne strane rješavat će sporazumno, a ako to ne bude moguće u slučaju spora po ovom Ugovoru nadležan je Općinski sud u Sarajevu.

#### Član 12.

Ovaj ugovor stupa na snagu danom potpisivanja od strane obje ugovorne strane i traje do 31.12.2018. godine.

#### Član 11.

Ovaj Ugovor je sačinjen u 7 (sedam) istovjetnih primjeraka od kojih 5 (pet) zadržava Naručilac usluga, a 2 (dva) primjerka Izvršilac usluga za svoje potrebe.

Za Izvršioca usluga  
Direktor

Omerhodžić Almedin



Za Naručioca usluga  
Direktor

mr.scij. Nermin Demirović, dipl.ing.šum.

Izvršni direktor Oblasti za šumarstvo

Proha Adnan, dipl.ing.šum.

Izvršni direktor Oblasti za opšte poslove

Kečo Hidajeta, dipl. ecc.

Broj: 013/18  
Datum: 26.03.2018. godine

Broj: 0103-3335-40/17  
Datum: 12.03.2018. godine